

- tijela upravljanja i rukovodjenja Agencijom;
- zastupanje, predstavljanje i potpisivanje u ime Agencije;
- definisanje radnih mesta sa posebnim ovlaštenjima i odgovornostima;
- druga pitanja u vezi sa poslovnjem Agencije.

V - FINANSIRANJE AGENCIJE

Član 14.

Sredstva za osnivanje i poslovanje Agencije osiguravaju se iz:

- budžeta Kantona,
- donacija domaćih i međunarodnih organizacija,
- naknade za usluge i drugih izvora.

VI - PRELAZNE I ZAVRŠNE ODREDBE

Član 15.

Vlada Kantona će donijeti Statut i druge opštne akte Agencije u roku od 30 dana od dana stupanja na snagu ovog Zakona.

Član 16.

Vlada Kantona će imenovati direktora i stučnog saradnika direktora /za ekonomsko-pravna pitanja/ Agencije u roku od 15 dana od dana stupanja na snagu ovog Zakona.

Član 17.

Ovaj zakon stupa na snagu osmog dana od dana objavljivanja u "Službenim novinama Bosansko-podrinjskog kantona Goražde".

Broj: o1-8921-171/97 PREDSJEDAVAJUĆI SKUPŠTINOM
25. avgusta 1997. godine BOSANSKO-PODRINJSKOG
G o r a ž d e KANTONA GORAŽDE
 Dr. Enver Borovina s.r.

202

Na osnovu Poglavlja IV, odjeljka A, člana 31 /I/ Ustava Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 3/97 i 6/97, d o n o s i m:

U K A Z

O PROGLAŠENJU ZAKONA O KANTONALNOM ZAVODU ZA ZDRAVSTVENO OSIGURANJE

Proglašava se Zakon o kantonalnom Zavodu za zdravstveno osiguranje, koji je donijela Skupština Bosansko-podrinjskog kantona Goražde, na sjednici 25. avgusta 1997. godine.

Broj: o3-8937-92/97 PREDSJEDNIK
26. avgusta 1997 godine BOSANSKO-PODRINJSKOG
Goražde KANTONA GORAŽDE
 Rijad Rašić, s.r.

203

Z A K O N

O KANTONALNOM ZAVODU ZA ZDRAVSTVENO OSIGURANJE

I - OPĆE ODREDBE

Član 1.

Ovim Zakonom Bosansko-podrinjski kanton Goražde /u daljem tekstu osnivač/ osniva Kantonalni zavod za zdravstveno osiguranje /u daljem tekstu Zavod/.

Član 2.

Zavod je javna ustanova u državnoj svojini sa poslovnicama u općinama osnivača.

Naziv Zavoda je Zavod za zdravstveno osiguranje Bosansko-podrinjskog kantona Goražde.

Skraćeni naziv je Kantolni zavod za zdravstveno osiguranje.

Član 3.

Sjedište Zvoda je u Goraždu u ulici Višegradska bb.

Član 4.

Zavod ima svojstvo prvnog lica.

Član 5.

Zavod ima svoj pečat čiji oblik i sadržina se utvrđuju Pravilima Zavoda a suglasno Zakonu o pečatu Bosansko-podrinjskog kantona Goražde.

II - NADLEŽNOST

Član 6.

Nadležnost Zavoda je da:

- provodi politiku razvoja i unapredjivanja zdravstvene zaštite koja se obezbeđuje obveznim zdravstvenim osiguranjem,
- planira i prikuplja novčana sredstva obaveznog zdravstvenog osiguranja te plaća usluge zdravstvenim ustanovama i privatnim zdravstvenim radnicima,
- obavlja poslove u vezi sa ostvarivanjem prava osiguranih lica, brine se o zakonitom i blagovremenom ostvarivanju tih prava, te im pruža stručnu pomoć i štiti njihove interese,
- obavlja poslove ugovaranja sa zdravstvenim ustanovama i privatnim zdravstvenim radnicima,
- određuje kriterije, način korištenja te visine novčanog iznosa za naknadu putnih troškova u vezi sa korištenjem zdravstvene zaštite,
- određuje visinu naknade plate na teret Zavod i način valorizacije osnovice za naknadu plate za vrijeme bolovanja,
- vrši obračun dugovanja i potraživanja troškova zdravstvenog osiguranja i druge poslove u skladu sa ovim ugovorima,
- obavlja nadzor i finansijsku kontrolu poslovanja zdravstvenih ustanova i privatnih zdravstvenih radnika saglasno zaključenom ugovoru za tekuću godinu,
- uređuje ostala pitanja vezana za ostvarivanje prava iz obaveznog zdravstvenog osiguranja.

Član 7.

Zavod u ostvarivanju svojih djelatnosti suradjuje sa državnim organima, pravnim i fizičkim licima u Bosansko-podrinjskom kantonu Goražde i drugim kantonima.

Član 8.

Podaci kojima raspolaže Zavod dostupni su javnosti pod uslovima utvrđenim općim aktima Zavoda.

III - IMOVINA I SREDSTVA ZAVODA

Član 9.

Imovinu Zavoda čine nepokretne i pokretne stvari nad kojima je pravo upravljanja i raspolaganja imao dio Republičkog fonda - Jedinica Goražde u Goraždu, kao i novac i prava koja Zavod stječe svojim poslovnjem, sem sredstava koja po zakonu Federacije pripadaju Federalnim organima.

Član 10.

Sredstva za rad Zavoda osiguravaju se iz doprinosova za zdravstveno osiguranje, budžeta osnivača, naknade za obavljene usluge i drugih izvora.

Član 11.

Višak prihod nad rashodima Zavod koristi za obavljanje i razvoj djelatnosti uz saglasnost Vlade.

Član 12.

Zavod za preuzete obaveze odgovara imovinom kojom raspolaže.

Ukoliko osnivač utvrdi da su gubitci Zavoda nastali iz objektivnih okolnosti gubitci se pokrivaju iz Budžeta osnivča.

IV - ORGANI UPRAVLJANJA

Član 13.

Organ upravljanja Zavodom je Upravni odbor. Upravni odbor ima 7 članova od kojih je jedan predsjednik.

Član 14.

Predsjednika i članove Upravnog odbora imenuje Vlada osnivača na period od 4 godine i mogu biti ponovo imenovani ako su ostvarili pozitivne rezultate u poslovanju.

Upravni odbor sastoji se od 7 članova i to:

- tri člana iz reda korisnika osiguranja,
- dva člana iz reda poslodavca,
- jednog člana iz Kantonalne bolnice Goražde, i
- jednog člana predstavnika Domova zdravlja sa područja Kantona.

Upravni odbor donosi odluke nadpolovičnom većinom ukupnog broja članova.

Djelokrug, ovlaštenja i odgovornost Upravnog odbora utvrđuju se Pravilima Zavoda.

Član 15.

Upstavni odbor Zavoda:

- utvrđuje program djelatnosti prikupljanja sredstava obaveznog zdravstvenog osiguranja i mјera za unapredjivanje obaveznog zdravstvenog osiguranja,
- uređuje politiku korištenja sredstava obaveznog zdravstvenog osiguranja na koju Ministarstvo zdravstva osnivača daje saglasnost te daje smjernice za funkcionisanje stručne službe Zavoda radi pravilnog ostvarivanja prava osiguranih lica i racionalnog poslovanja,
- donosi Pravila Zavoda uz saglasnost Vlade i druge opšte akte za čije je donošenje ovlašten zakonom,
- predlaže, saglasno zakonu, stope doprinosa za obavezno zdravstveno osiguranje,
- uređuje plan raspodjele finansijskih sredstava uz saglasnost Ministra zdravlјa,
- donosi finansijski plan uz saglasnost Ministra i usvaja završni račun,
- odgovara osnivaču za rezultate rada Ustanove i rješava sva druga pitanja odnosa sa osnivačem,
- kao drugostepeni organ odlučuje o prigovorima na rješenja kojima se odlučuje o pravima, obvezama i odgovornosti radnika i korisnika osiguranja,
- odlučuje o obezbjedjivanju dopunskih sredstva i o načinu pokrivanja eventualnih gubitaka,
- utvrđuje godišnji program rada i usvaja godišnji izvještaj o radu Zavoda i njegove stručne službe,
- razmatra izvještaj o kontroli vrste, obima i kvaliteta izvršenih zdravstvenih usluga,
- sprovodi prošireno zdravstveno osiguranje utvrđeno aktom osnivača,
- sardjuje sa drugim kantonalnim zavodima osiguranja, Federalnim zavodom osigurnja i reosiguranja i drugim organima i organizacijama u stvarima od zajedničkog interesa,
- vrši druge poslove za koje je ovlašten zakonom, drugim propisima i opštim aktima,
- podnosi osnivaču, najmanje jedanput godišnje, izvještaj o poslovanju Ustanove.

V - ORGAN RUKOVODJENJA

Član 16.

Organ rukovodjenja Zavodom je direktor.

Direktor je nadležan da:

- organizira i rukovodi radom Zavoda,
- zastupa i predstavlja Zavod prema trećim licima,

- odgovara za zakonitost rada Zavoda,
- predlaže Upravnom odboru mјere za efikasno i zakonito obavljanje djelatnosti Zavoda,
- predlaže Upravnom odboru unutrašnju organizaciju i sistematizaciju poslova i osnovni plana rada i razvoja,
- izvršava odluke Upravnog odbora,
- podnosi Upravnom odboru plan i izvještaj o finansijskom poslovanju,
- izvršava plan raspodjele finansijskih sredstava uz saglasnost Ministra.

Direktor odgovara Upravnom odboru za rezultate rada i finansijskog poslovanja Zavoda.

Član 17.

Direktora Zavoda imenuje i razrješava Vlada Bosansko-podrinjskog kantona Goražde na prijedlog Ministra zdravstva.

Za direktora Zavoda može se imenovati lice koje ima najmanje VII stepen stručne spreme.

Član 18.

Zavod ima sva prava i obaveze u pravnom prometu koje pripadaju pravnom licu u okviru registrovane djelatnosti.

Zavod za svoje obaveze odgovara sredstvima sa kojima raspolaže.

Član 19.

Zavod ima rezervu koju ostvaruje izdvajanjem najmanje 5% ukupnih rashoda ostvarenih u protekloj godini.

Nadzor nad korištenjem rezerve obavlja Upravni odbor Zavoda.

Član 20.

Sredstva rezerve služe za obezbjedjivanje tekuće likvidnosti i za pokriće gubitaka.

Član 21.

U svrhu osigurnja podataka potrebnih za sprovođenje obaveznog zdravstvenog osiguranja, te nadzora nad ostvarivanjem prava iz obaveznog zdravstvenog osiguranja u Zavodu se vode evidencije.

Sprovedbene propise o načinu i mjestu vodenja, obliku, sadržaju evidencije i rokovima za vodenje evidencija donijeće Upravni odbor Zavoda.

Propisi iz prethodnog stava uskladiće se sa propisima koje donose Federalni zavodi osiguranja i reosiguranja.

